

Nazianzenus *in laudem Gorgonitæ*. Ambrosius *l. 1. de Virgin.*

IX. Superest, ut cum Crispitudine, quæ vel naturalis est vel arte facta, colophonem Qvæstioni etiam huic imponamus. Cui igitur Capillamenta probantur, ei Crispitudo, haud avellendum illud a Galericulis honestioribus Adjunctum, vix inter opprobria & damnandi necessitatem reputabitur; nisi forte sit, qui Capillamentorum structuram hirsutis setis similem expetat & expectet. Non infrequentem hanc Veteribus, nec dehonestamento Capitis annumeratam exiterata passim Auctorum commemoratione colligimus. Conf. Horatius *Epist. 1, 1, 94.* item Seneca *de brevitate Vitæ*, cujus verba superius a nobis allegata in Præexercit. §. 10. De Ulyssæ Homerus:

-----  
Crispamque in vertice fundit  
Cæsariem, & gratos hyacinthi flore capillos.

Germanis crispitudinem comarum adscribit, præsertim Cat-tis Alex. 1. sæpe *alleg.* Qui de veterum itemque hodierna crispandi crines methodo & ratione plenius informari satagit, adeat iterum Dn. Rangonem Tract. allegato *C. VI. Membr. 7.* Adducit idem ibidem de Crispatione Plinium *l. 22. c. 21. & 22. l. 24. c. 6.* Sebitzium *Disput. 2. de Pilis*, Junium *de Coma*, Aristotelem *l. 5. de Gener. Animalium.*

## ANTITHESIS

### I.

Expositis ita Qvæstionibus, restat ultimo loco, ut Antagonistas nostros in capillari controversia, omisis tamen eorum argumentis, quæ publico conflictui reservantur, quasi in aciem educamus. Ut autem rem ab ovo quod ajunt exordiamur, Anno 1642, Irenæus quidam Poime-  
nander